

Broj: 01/01-1858/11-2023
Sarajevo, 09.11.2023. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59/22), na Preporuku Komisije za javnu nabavku broj: 01/01-1858/10-2023 od 03.11.2023. godine u postupku nabavke roba: **UREĐAJI ZA KLIMATIZACIJU**, Dekan Univerziteta u Sarajevu Prirodno-matematičkog fakulteta je donio

ODLUKU

o izboru najpovoljnijeg ponuđača u otvorenom postupku za dostavu ponuda

Član 1.

Prihvata se Preporuka Komisije za javnu nabavku, broj: 01/01-1858/10-2023 od 03.11.2023. godine i ugovor za nabavku roba: **UREĐAJI ZA KLIMATIZACIJU** dodjeljuje se ponuđaču **“IMTEC” d.o.o. Sarajevo**, čija ukupna cijena ponude iznosi **20.992,00 KM bez PDV-a**, kao najbolje ocijenjenom ponuđaču.

Član 2.

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Univerziteta u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-1858/3-2023 od 06.10.2023. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **UREĐAJI ZA KLIMATIZACIJU**.

Za provođenje postupka predmetne javne nabavke, Odlukom broj: 01/01-1853/4-2023 od 06.10.2023. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-68-3-68/23, objavljeno je na Portalu javnih nabavki dana 06.10.2023. godine, a u Službenom glasniku BiH br: 71/23 dana 13.10.2023. godine.

Iz *Izvještaja o preuzimanju tenderske dokumentacije* od strane ponuđača, vidljivo je da su u periodu koji je ostavljen za dostavljanje ponuda do 27.10.2023. godine, tendersku dokumentaciju preuzeli slijedeći potencijalni ponuđači: KMS D.O.O., EKAPIJA DOO, O.D. "AVDIĆ", TEHNO MAG D.O.O., INSTRUMENTS, INTER-COM DOO ZENICA, STARTECH D.O.O., PROINTER ITSS DOO BANJA LUKA-ČLAN INFINITY INTERNATIONAL GROUP, BBS EUROPE, IMTEC D.O.O. SARAJEVO, ITD D.O.O. SARAJEVO, TERMOPIL D.O.O. BANJA LUKA, ENERGO CENTAR, BMG ELEKTRONIK, ACING DOO SARAJEVO, FCT D.O.O., ZT TEHNOZAŠTITA D.O.O., ROYAL COMPANY DOO, SP BOJAN GOLEMOVIC A/C SERVIS, ASSIB-BH D.O.O. ČELIĆ, "DIGITAL LINE" D.O.O. SARAJEVO.

Iz *Izvještaja o pitanjima i odgovorima* u periodu koji je ostavljen za dostavljanje ponuda, vidljivo je da je nije bilo pitanja u vezi pojašnjenja tenderske dokumentacije.

Iz *Zapisnika o otvaranju ponuda* vidljivo je da je Komisija za javne nabavke dana 27.10.2023. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	ZTR „BMG ELEKTRONIK“ Gordijan Pisić s.p. ZVORNIK	Da	01/01-1858-1/6-2023	24.10.2023.g. u 10:00 sati
2.	„A/C SERVIS“ Golemović Bojan s.p. Banja Luka	Da	01/01-1858-2/6-2023	24.10.2023.g. u 10:00 sati
3.	„Energo Centar“ d.o.o. Laktaši	Da	01/01-1858-3/6-2023	25.10.2023.g. u 10:00 sati
4.	„Digital Line“ d.o.o. Sarajevo	Da	01/01-1858-4/6-2023	25.10.2023.g. u 11:12 sati
5.	„Imtec“ d.o.o. Sarajevo	Da	01/01-1858-5/6-2023	27.10.2023.g. u 08:21 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda je blagovremeno, 30.10.2023. godine prosljeđen elektronskim putem (E-mail-om) ponuđačima koji su blagovremeno dostavili ponude.

Komisija za provođenje postupka nabavke sačinila je sažetak primljenih ponuda kako slijedi:

Redni br.	Naziv i sjedište ponuđača	Ponuđe ni popust	Ukupna cijena ponude
1.	ZTR „BMG ELEKTRONIK“ Gordijan Pisić s.p. ZVORNIK, Vuka Karadžića 12, L-1	0,00 KM	Cijena ponude bez PDV-a 21.000,00 KM 0% popust Ukupna cijena ponude sa uračunatim popustom bez PDV-a = 21.000,00 KM PDV na cijenu ponude= 3.570,00 KM Ukupna cijena za ugovor 24.570,00 KM sa PDV-om
2.	„A/C SERVIS“ Golemović Bojan s.p. Banja Luka, Dragočaj BB, 78215 Banja Luka	0,00 KM	Cijena ponude bez PDV-a 20.200,00 KM 0% popust Ukupna cijena ponude sa uračunatim popustom bez PDV-a = 20.200,00 KM

			PDV na cijenu ponude= 3.434,00 KM Ukupna cijena za ugovor 23.634,00 KM sa PDV-om
3.	„Energocentar“ d.o.o. Laktaši, ul. Cara Dušana 134a, Trn, Laktaši	0,00 KM	Cijena ponude bez PDV-a 20.990,00 KM 0% popust Ukupna cijena ponude sa uračunatim popustom bez PDV-a =20.990,00 KM PDV na cijenu ponude= 3.568,30 KM Ukupna cijena za ugovor 24.558,30 KM sa PDV-om
4.	„Digital Line“ d.o.o. Sarajevo, Marka Marulića do br. 2, 71000 Sarajevo	0,00 KM	Cijena ponude bez PDV-a 21.000,00 KM 0% popust Ukupna cijena ponude sa uračunatim popustom bez PDV-a =21.000,00 KM PDV na cijenu ponude= 3.570,00 KM Ukupna cijena za ugovor 24.570,00 KM sa PDV-om
5.	„Imtec“ d.o.o. Sarajevo, Bosanski put bb Ilijaš	0,00 KM	Cijena ponude bez PDV-a 20.992,00 KM 0% popust Ukupna cijena ponude sa uračunatim popustom bez PDV-a =20.992,00 KM PDV na cijenu ponude= 3.568,64 KM Ukupna cijena za ugovor 24.560,64 KM sa PDV-om

Na osnovu pregleda i ocjene ponuda, detaljne tehničke provjere specifikacija za ponuđene modele i poređenjem sa zahtjevanim minimalnim tehničkim specifikacijama i funkcionalnim zahtjevima te dodatnom provjerom zvaničnih kataloga preuzetih od proizvođača za ponuđeni tip klima, Komisija za provođenje postupka nabavke je utvrdila sljedeće:

Ponudač: ZTR „BMG ELEKTRONIK“ Gordijan Pisić s.p. ZVORNIK

Za stavku **Inverter klima sa ugradnjom Tip 1** ponuđena je klima **BERGEN Apollo Q ECO PLUS Inverter R32 12k**. Nakon detaljne provjere priloženog kataloga i kataloga proizvođača može se vidjeti da ponuđeni model ima učinak hlađenja 3,5kW, čime nije zadovoljen uvjet iz tehničke specifikacije gdje se traži da to bude minimalno 3,6 kW. Pored toga, iz kataloga se može vidjeti da je SEER=6.1 i SCOP=4.0, čime nije zadovoljen uvjet iz tehničke specifikacije, gdje se traži da bude minimalno SEER=7,0 i SCOP=4,2. Sve navedeno se može detaljno vidjeti nakon pregleda zvaničnog kataloga proizvođača i priloženog kataloga ponuđača za ponuđeni model koji je u prilogu.

Za stavku **Inverter klima sa ugradnjom Tip 2** ponuđena je klima **BERGEN Apollo Q ECO PLUS Inverter R32 18k** koja ne zadovoljava minimalne tehničke specifikacije i funkcionalne zahtjeve jer navedeni model ima WiFi opciono, a u tehničkoj specifikaciji je navedeno da WiFi mora biti integrisan.

U skladu sa navedenim Komisija za provođenje postupka nabavke ocjenila je da dostavljena tehnička specifikacija ponuđene robe nema minimalne tehničke karakteristike utvrđene Tenderskom dokumentacijom i ne ispunjava zahtjeve iz gore navedenih razloga.

Pored navedenog, tačkom 7.1 Ostali uslovi za kvalifikaciju, kao jedan od ostalih uslova za kvalifikaciju u smislu dokazivanja profesionalne djelatnosti i ekonomsko-finansijske i tehničke sposobnosti predviđeno je

- a) da je registrovan za obavljanje predmetne djelatnosti;

U svrhu dokazivanja prava na obavljanje profesionalne djelatnosti, u skladu sa članom 46. Zakona o javnim nabavkama, ponuđač je dužan dostaviti:

- ✓ Aktuelni izvod iz sudskog registra, original ili ovjerena kopija. Aktuelni izvod iz sudskog registra mora sadržavati sve podatke, za koje je, prema važećim propisima o registraciji, propisano da ih takav dokument sadrži. Ukoliko je ponuđač fizička osoba (samostalni obrtnik) uvjerenje nadležnog tijela da ima dozvolu da se bavi djelatnošću, koja spada u predmet nabavke, te da je važeća. Dostavljeni dokazi se priznaju, bez obzira na kojem nivou vlasti su izdati.

Komisija za nabavke je pregledom i ocjenom ponude konstatovala da je ponuđač „ZTR „BMG ELEKTRONIK“ Gordijan Pisić s.p. ZVORNIK u svojoj Ponudi dostavio ovjerenu kopija Rješenja Odjeljenja za privredu i društvene djelatnosti Grad Zvornik od 17.08.2023. godine iz kojeg je vidljivo da su registrovani za uvođenje instalacija za grijanje i klimatizaciju (isključivo uvođenje instalacija u individualnim stambenim i individualno stambeno-poslovnim objektima bruto građevinske površine do 200 m², kao i u objektima za koje nije potrebna građevinska dozvola), pod šta ne potpada Ugovorni organ tj. JAVNA USTANOVA Univerzitet u Sarajevu – Prirodno-matematički fakultet, koji ima ca. bruto građevinske površine 15.000 m².

U tački 7.1 Uslovi za kvalifikaciju TD također je propisano da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju, te će se njegova ponuda smatrati neprihvatljivom.

Imajući u vidu navedeno utvrđeno činjenično stanje, Komisija je konstatovala da ponuđač ZTR „BMG ELEKTRONIK“ Gordijan Pisić s.p. nije ispunio uslov predviđen članom 46. stav ZJN i time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

Ponuđač: „A/C SERVIS“ Golemović Bojan s.p. Banja Luka

Za stavku **Inverter klima sa ugradnjom Tip 1** ponuđena je klima VIVAX ACP-12CH35AERI+R32 kod koje je učinak hlađenja 3,5kW, a traženo je da minimalno bude 3,6kW, čime ne zadovoljava minimalne tehničke karakteristike tražene u Aneksu 3 tehničke specifikacije. Sve navedeno se može vidjeti nakon pregleda zvaničnih kataloga proizvođača za ponuđeni model koji je u prilogu.

Za stavku **Inverter klima sa ugradnjom Tip 2** ponuđena je klima VIVAX ACP-18CH50AERI+R32 kod koje je jačina snage zvuka vanjske jedinice max 65dB, a minimalna tehnička specifikacija zahtjeva da ne smije biti veća od 63dB, čime ne zadovoljava minimalne tehničke karakteristike tražene u Aneksu 3 tehničke specifikacije. Pored toga ponuđeni model klime nema integrisani WiFi (WuFi ready) već mogućnost nadogradnje WiFi konekcije, čime nisu zadovoljeni uvjeti navedeni u tehničkoj specifikaciji u Aneksu 3 gdje je traženo da WiFi bude integrisan. Sve navedeno se može vidjeti nakon pregleda zvaničnih kataloga proizvođača za ponuđeni model klime koji je u prilogu.

U skladu sa navedenim Komisija za provođenje postupka nabavke ocjenila je da dostavljena tehnička specifikacija ponuđene robe nema minimalne tehničke karakteristike utvrđene Tenderskom dokumentacijom i ne ispunjava zahtjeve iz gore navedenih razloga.

Pored navedenog, tačkom 7.1 Ostali uslovi za kvalifikaciju, kao jedan od ostalih uslova za kvalifikaciju u smislu dokazivanja profesionalne djelatnosti i ekonomsko-finansijske i tehničke sposobnosti predviđeno je

- b) da je registrovan za obavljanje predmetne djelatnosti;

U svrhu dokazivanja prava na obavljanje profesionalne djelatnosti, u skladu sa članom 46. Zakona o javnim nabavkama, ponuđač je dužan dostaviti:

- ✓ Aktuelni izvod iz sudskog registra, original ili ovjerena kopija. Aktuelni izvod iz sudskog registra mora sadržavati sve podatke, za koje je, prema važećim propisima o registraciji, propisano da ih takav dokument sadrži. Ukoliko je ponuđač fizička osoba (samostalni obrtnik) uvjerenje nadležnog tijela da ima dozvolu da se bavi djelatnošću, koja spada u predmet nabavke, te da je važeća. Dostavljeni dokazi se priznaju, bez obzira na kojem nivou vlasti su izdati.

Komisija za nabavke je pregledom i ocjenom ponuda konstatovala da je ponuđač „A/C SERVIS“ Golemović Bojan s.p. Banja Luka u svojoj Ponudi dostavio ovjerenu kopija kopija Izvoda iz Centralnog registra preduzetnika od 04.09.2023. god. iz kojeg je vidljivo *da su registrovani za uvođenje instalacija za grijanje i klimatizaciju (isključivo uvođenje instalacija u individualnim stambenim i individualno stambeno-poslovnim objektima bruto građevinske površine do 200 m², kao i u objektima za koje nije potrebna građevinska dozvola)*, pod šta ne potpada Ugovorni organ tj. JAVNA USTANOVA Univerzitet u Sarajevu – Prirodno-matematički fakultet, koji ima ca. bruto građevinske površine 15.000 m².

U tački 7.1 Uslovi za kvalifikaciju TD također je propisano da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju, te će se njegova ponuda smatrati neprihvatljivom.

Imajući u vidu navedeno utvrđeno činjenično stanje, Komisija je konstatovala da ponuđač „A/C SERVIS“ Golemović Bojan s.p. Banja Luka nije ispunio uslov predviđen članom 46. stav ZJN i time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

Proizvođač: „Energo Centar“ d.o.o. Laktaši

Za stavku **Inverter klima sa ugradnjom Tip 1** ponuđena je klima **Auratsu AWX-12**. Nakon detaljne provjere priloženog kataloga sa zvaničnim katalogom (koji se može preuzeti sa linka https://auratsu.com/files/page_files/447/auratsu-ulotka-02-2023-en-v2.pdf) uočeno je neslaganje između podataka koje navodi ponuđač i onih datih u zvaničnom katalogu na zvaničnoj stranici proizvođača za ponuđeni model Invertera. Naime, u prilogu koji je dostavio ponuđač navedeno je da ponuđeni model ima učinak hlađenja 3,6kW a u zvaničnom katalogu je navedeno da je to **3,5 kW**, čime nije zadovoljen uvjet iz tehničke specifikacije gdje se traži da to bude minimalno **3,6 kW**. Pored toga, iz priloženog u tenderskoj dokumentaciji ponuđač navodi da je SEER=7,0 i SCOP=4,2 a u zvaničnom katalogu stoji da je **SEER=6,1 i SCOP=4,0** čime nije zadovoljen uvjet iz tehničke specifikacije gdje se traži da bude minimalno **SEER=7,0 i SCOP=4,2**. Sve navedeno se može detaljno vidjeti nakon pregleda zvaničnog kataloga proizvođača za ponuđeni model čiji je link naprijed naveden.

Za stavku **Inverter klima sa ugradnjom Tip 2** ponuđena je klima **Auratsu AWX-18** koja u potpunosti zadovoljava minimalne tehničke specifikacije i funkcionalne zahtjeve.

U skladu sa navedenim Komisija za provođenje postupka nabavke ocjenila je da dostavljena tehnička specifikacija ponuđene robe nema minimalne tehničke karakteristike utvrđene Tenderskom dokumentacijom i ne ispunjava zahtjeve iz gore navedenih razloga.

Ponudač: „Digital Line“ d.o.o. Sarajevo

Za stavku **Inverter klima sa ugradnjom Tip 1** ponuđena je klima **MAXON FRESH MXI-12HC012I**. Nakon detaljne provjere priloženog kataloga i kataloga proizvođača može se vidjeti da ponuđeni model ima učinak hlađenja 3,5kW, čime nije zadovoljen uvjet iz tehničke specifikacije, gdje se traži da to bude minimalno **3,6 kW**. Pored toga, iz kataloga se može vidjeti da je SEER=6.1 i SCOP=4.0, čime nije zadovoljen uvjet iz tehničke specifikacije gdje se traži da bude minimalno **SEER=7,0 i SCOP=4,2**. Pored navedenog, iz kataloga se vidi da navedenim model podržava dužinu cijevi maksimalno **20 m** a traženo je da to bude do **25m**, čime nije zadovoljen uvjet iz tehničke specifikacije. Sve navedeno se može detaljno vidjeti nakon pregleda zvaničnog kataloga proizvođača i priloženog kataloga ponuđača za ponuđeni model.

Za **Inverter klima sa ugradnjom Tip 2** ponuđena je klima **MAXON MXI-18HC012I** koja u potpunosti zadovoljava minimalne tehničke specifikacije i funkcionalne zahtjeve.

U skladu sa navedenim Komisija za provođenje postupka nabavke ocjenila je da dostavljena tehnička specifikacija ponuđene robe nema minimalne tehničke karakteristike utvrđene Tenderskom dokumentacijom i ne ispunjava zahtjeve iz gore navedenih razloga.

Pored navedenog, tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja ekonomsko-finansijske sposobnosti u skladu sa članom 47. Zakona o javnim nabavkama predviđeno je:

- c) da glavni račun nije blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci;

Tenderskom dokumentacijom u svrhu dokazivanja ekonomsko-finansijske sposobnosti, u skladu sa članom 47. Zakona o javnim nabavkama:

- ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude.

Komisija za nabavke je pregledom i ocjenom ponuda konstatovala da je ponuđač „**Digital Line“ d.o.o. Sarajevo** u svojoj Ponudi dostavio kopiju Potvrde Centralne Banke iz koje je vidljivo da je trenutno glavni račun aktivan, ali iz koje nije vidljivo da nije bio blokiran u posljednjih 12 mjeseci, što nije u skladu sa tačkom 7.1 Tenderske dokumentacije, jer nije priložen traženi dokaz.

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Imajući u vidu navedeno utvrđeno činjenično stanje, Komisija je konstatovala da ponuđač „**Digital Line“ d.o.o. Sarajevo** nije postupio u skladu sa tačkom 7.1. Tenderske dokumentacije i članom 47. stav (1) tačke a) ZJN, jer nije u ponudi dostavio traženi dokaz, te time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

Pored navedenog u skladu sa tačkom 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Nakon pregleda i ocjene ponuda, Komisija za provođenje postupka nabavke sačinila je analitički prikaz traženih i dostavljenih dokumenata na osnovu kojih se utvrđuje da li postoje razlozi za isključenja ponuđača,

te je na osnovu navedenog konstatovala da ponude ponuđača ZTR „BMG ELEKTRONIK“ Gordijan Pisić s.p. ZVORNIK, „A/C SERVIS“ Golemović Bojan s.p. Banja Luka, „Energocentar“ d.o.o. Laktaši i „Digital Line“ d.o.o. Sarajevo ne ispunjavaju uslove za kvalifikaciju tražene Tenderskom dokumentacijom, te su iste ocjenjene kao *neprihvatljive*.

Također, Komisija je konstatovala da ponuda ponuđača IMTEC d.o.o. Sarajevo ispunjava sve minimalne uslove za kvalifikaciju tražene tenderskom dokumentacijom, te je istu ocjenila *prihvatljivim*.

Redni br. na rang listi	Naziv i sjedište ponuđača	Ponude ni popust	Ukupna cijena ponude
1.	„Imtec“ d.o.o. Sarajevo, Bosanski put bb Ilijaš	0,00 KM	Cijena ponude bez PDV-a 20.992,00 KM 0% popust <i>Ukupna cijena ponude sa uračunatim popustom bez PDV-a =20.992,00 KM</i> PDV na cijenu ponude= 3.568,64 KM Ukupna cijena za ugovor 24.560,64 KM sa PDV-om

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: broj: 29340-1-1-68-3-68/23 od 06.10.2023. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke roba: UREĐAJI ZA KLIMATIZACIJU donese Odluka o dodjeli ugovora ponuđaču „IMTEC“ d.o.o. Sarajevo, čija cijena ponude iznosi 20.992,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila: Jasmina Mujkić, dipl.iur.

Dostaviti:

- ZTR „BMG ELEKTRONIK“ Zvornik
- „A/C SERVIS“ Golemović Bojan s.p. Banja Luka
- „Energocentar“ d.o.o. Laktaši
- „Digital Line“ d.o.o. Sarajevo
- „Imtec“ d.o.o. Sarajevo
- Dosije nabavki, a/a

DEKAN FAKULTETA
Prof. dr Nusret Drešković